



Kommunalbestyrelsi 27. Februar 2020 nal. 09:00

Kommune Qeqertalik Kommunalbestyrelsi
IMAQARNILIAQ

| | |
|-------------------------|-------------------|
| Hansen, Ane | IA |
| Olsen, Peter | IA Peqataanngilaq |
| Nathanielsen, Karl Thue | IA |
| Samuelsen, Aqqa | IA |
| Aronsen, Hans | IA |
| Petersen, Thomas | IA |
| Kristensen, Niels | IA |
| Jeremiassen, Kristian | IA |
| Zeeb, Hansiaraq | S |
| Sandgreen, Enok | S |
| Mølgaard, Timooq | S Peqataanngilaq |
| Jeremiassen, Otto | S |
| Frederiksen, Ole I. | S |
| Broberg, Kristian | S |
| Kristensen, Naja | A |

Ataatsimiinnermi aqutsisoq: Ane Hansen, IA
Allatsi: Flavia Lyberth
Ataatsimiinneq: Skypekut

KOMMUNE QEQTALIK
NIELS EGEDES PLADS 1, POSTBOKS 220, 3950 AASIAAT

ULLORMUT OQALUUSERISASSAT

| | |
|--|-----------|
| 20-002 Kommune Qeqertalik-mi atuarfeqarfiup aqunneqarneranut ileqqoreqqusaq | 3 |
| 20-003 Aasiaanni piginneqatigiilluni inissiat pingasut | 5 |
| 20-004 Illuliortiternernut aammalu piginneqatigiilluni aningaasalersuineq | 7 |
| 20-005 2020-imut aaffattassat, taakkualu agguaanneqarneri | 9 |
| ILISIMATITSISSUTIT: | 10 |
| 01 Niaqornaarsummi illumik pisiniarneq, B-718 Niaqornaarsuk – siulittaasup (borgmesterip) akuersineranit ilisimatitsissut | 10 |
| ATAATSIMIINNEQ NAAVOQ: | 12 |
| ATSIORFISSAQ:..... | 12 |

| | |
|----------------------|--|
| Oqaluuserisaq | Oqaluuserisassat akuerineqarnerat |
|----------------------|--|

Oqaaseqaatit:

Borgmesterip nalunaarutigaa Siumut nutaamik gruppeformand-eqalersut, Enok Sandgreen gruppeformand-inngorluni.

AALAJANGERNEQ:

| |
|---|
| <p>Oqaluuserisassat akuerineqarput. Oqaluuserisassaq 20-003-mut borgmester peqataassanani nalunaarutigaa, suliamut qanigaluni misigigami (inhabil).</p> |
|---|

| | | | | | |
|----------------------|--|------------------|-----------|--|--|
| Sag nr. | 20-002 | Bilag nr. | 02 | | |
| Oqaluuserisaq | 20-002 Kommune Qeqertalik-mi atuarfeqarfiup aqunneqarneranut ileqqoreqqusaq | | | | |

EQIKKAANEQ:

Uma ileqqoreqqusap pilersissavaa atuarfeqarfinni assigiissakkamik suleriaaseqarnissaq pilersaarusiornissarluk.

Kommunalbestyrelse-p nakkutiginnittussaataitaneranut sakkussatut pitsaasutut, atuarfeqarfiit illoqarfinni nunaqarfinnilu ataatsimut sakkussaattut inatsisip nalunaartussaataitaneranut piumasaqaataanut atugassat.

SULIAP SAQQUMMIUNNEQARNERA:

Aasiaat Kommune-ugallarmat Aasiaat nunaqarfiilu atuarfeqarfiit pillugit ileqqoreqqusamik peqarpoq. Qaasuitsup Kommune-qalermat Aasiaat atuarfeqarfinnut ileqqoreqqusarisaa nutarterlugu, Meeqqat atuarfiianut inatsimmut naapertuuttunngorlugu suliareqqinneqarluni aallarnisarneqarpoq. Qaasuitsup Kommune avinneqarpoq suliaq naammassineqanngitsoq.

Atuarfik pillugu inatsimmi atuarfiit pillugit ileqqorissaqarnissaq piumasaqaataavoq takuuk kapitali 9 Meeqqat atuarfiat pillugu inatsimmi aamma pitsaassuseq pillugu nalunaarusiortoqartussaavoq § 48 stk. 3 naapertorlugu. Pitsaassuseq pillugu nalunaarusiornissaq pillugu assigiissakkamik immersugassaqaarnissaq pisariaqarpoq, pitsaassutsimut nalunaaruteqartussaataitanerup piumasaqaatai immersugassami tamakkiisumik nalunaarsorneqassammata.

Pitsaassutsimik immersugassap nalunaarutigisassaasa imarivai:

Atuarfiup siulersuisui, atuarfiup aqutsisui atorfiillu, alloriarfinni misilitsinnerit inernerit, Inaarutaasumik misilitsinnermi agguaqatigiitsinerit inernerit, Iliuusissatut pilersaarutit, Atuartut atuarfimmiit naammassisussanut iliuusissatut pilersaarutit, sulisut sulinnigittarneri, atuaqatigiikkaani immikkoortillugit atuartut atuannitsoortarneri agguaqatigiisillugit atuaqatigiiaat amerlassusiisa killigi, immikkullu annertusisamik atuartitsineq, ilinnialernissanut inuussutissarsiorfinnullu ilitsersuineq, atuartut angerlarsimaffianni atuartut amerlassusaat, pikkorissarnerit ilinniaqqinnerillu.

Atuarfimmi siulersuisut ukiumoortumik nalunaarusiortussaataapput § 47. Stk 12 naapertorlugu. Nalunaarusiortussaataitaneranut immersuiffissaq atuarfinnut illoqarfinniittunut nunaqarfinniittunullu tamanut sinaakkutissatut atorneqarsinnaasoq innersuussutigineqarpoq. Atuarfinnut ileqqoreqqusaq nutarterneqartassaaq inatsisip atuuttup allannguuteqarfiisigut.

ANINGAASATIGUT KINGUNISSAI:

Soqanngilaq

KINGUNISSAT:

Atuarfiit ataatsimut toqqammaveqarlutik suleriuseqanngippata kingunerissavaa assigiinngiiaartumik nalunaaruteqarneq.

INATSISITIGUT TUNNGAVIUSOQ

- Meeqqat atuarfiat pillugu inatsisartut inatsisaat nr.15.december 2012 -meersoq
- Meeqqat atuarfianni immikkut ittumik aamma allamik immikkut ittumik perorsaanikkut ikiorsiisarneq pillugit Namminersorlutik oqartussat nakunaarutaat nr. 21 8. dec.2017-meersoq
- Namminersorlutik Oqartussat nalunaarutaat nr.2 9.januar 2009-meersoq meeqqat atuarfianni nalilersuineq uppersaanaerlu
- Namminersorlutik oqartussat nalunaarusiaat nr. 3 9.januar 2009-meersoq atuarfinni inaarutaasumik nalilersuineq pillugu.

INASSUTEQAAT:

Allattoqarfik INUA –ta innersuutigaa atuarfiit pillugit nakkutiginnittussaataaernermut, nalunaarusiortussaataaernernullu sakkussat ataani taaneqartut pingasut akuersissutigineqarnissaat.

- Kommune Qeqertalik-mi atuarfiit pillugit ileqqoreqqusaq
- Pitsaassuseq pillugu immersugassaq
- Ukiumoortumik nalunaarusiassamut immersuiffissaq

ILANNGUSSAT:

- 02-1_Kommune Qeqertalik-mi atuarfiit pillugit ileqqoreqqusaq
- 02-2_Pitsaassuseq pillugu immersugassaq
- 02-3_Ukiumoortumik nalunaarusiassamut immersuiffissaq

AALAJANGERNEQ: Ataatsimiititaliaq INUIT ulloq 20-01-2020 aalajangerneq:

Inassuteqaat akuersissutigineqarpoq.

AALAJANGERNEQ: Ataatsimiititaliaq INUA ulloq 30-01-2020 aalajangerneq:

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

| | | | | | |
|----------------------|---|-------------------|----------|--------------------|--|
| Suliap nr.: | 20-003 | Ilanng. nr | 3 | Journal nr. | |
| Oqaluuserisaq | 20-003 Aasiaanni piginneqatigiilluni inissiat pingasut | | | | |

EQIKKAANEQ:

Aasiaanni piginneqatigiilluni inissiat pingasut qinnutigineqarnikuupput. Nunaminertamillu atuinissamut akuerineqarnikuullutik. Piginneqatigiilluni inissialiornermut tunngatillugu inatsit atuuttoq naapertorlugu suliarineqarsimasooq saqqummiunneqarpoq.

SULIAP SULIARINEQARNERA:

Aasiaanni aqquusernup Qimmerqarfiup isuata tungaani sanaartorfigineqarsinnaasut sisamaapput, taakkunani inissisimaffiit pingasut qinnutigineqarsimapput, sanaartorfigineqarsinnaasut normui ukuullutik: 4, 5 aamma 6.

Nunaminertamik atuisinnaanissamut qinnuteqaat siulleg 26. April 2019 tiguneqarsimavoq. Qinnuteqaammi siullermi illut sisamaasimapput. Qinnuteqaat takkummat nalilersorneqarnikuuvoq qanoq piffimmi inissianik sisamanik sanaartortoqassappat saniliinut akornutaassanersoq. Naliliinermi aamma inissiat annertussusaat sanaartorfigineqarsinnaasunut sanillersuunneqarnikuupput. Nalilerneqarlunilu inissianik sisamanik sanaartorfigineqassaguni periarfissaqartoq.

Qinnuteqaqqaarnermi inatsit piginneqatigiilluni inissialiornissamut tunngaviusoq naapertorlugu akuerisassanngorlugu suliarineqarsimavoq. Tassani inatsimmi tunngaviulluni qanoq piginneqatigiilluni inissialiornermi amerlassusai taavalu qanoq inissisimanissai eqquutsinneqarlutik.

Nunaminertamut atuisinnaanermut qinnuteqaat 23. maj 2019 qinnuteqartumiit allanngortinneqarsimavoq. Piginneqatigiit inissiassaar pingasunngorlugit. Amerlassusaat inatsimmut atuuttumut naapertuuppoq. Qinnuteqaatip akuerineqannginnerani piginneqatigiilluni inissiat sananeqalerunik inissisimaffii nalilersuineri arajutsineqarsimapput. Uani peqqutaavoq, pilersaarusernermi aamma nunaminertat atorneqartarnerannut inatsit kisiat qissiminneqarsimagami. Piginneqatigiilluni inissialiornermi inatsisip iluani §1, imm. 4 naapertorlugu Kommunalbestyrelsi immikkut ittuni piginneqatigiilluni inissiat ilaqutariinnut ataatsinut inissiatut imaluunniit illutut affarleriittut sananeqarnissaat tiguneqarnissaalluunniit akuerisinnaavaa.

Nunaminertaq 27. Juni 2019 nunaminertalerisuninngaanniit akuerineqarsimavoq. Taassumalu kingorna sanaartornissamut tapiissutigineqarsinnaasut akuerineqarlutik.

Suliap uuma saqqummiunneqarnerani inatsisat atuuttut tamaasa eqquutsilernissaat toqqammavigneqarpoq.

Allattoqarfiup ilisimatitsissutigissua piginneqatigiilluni inissialiortitsinissamut qinnuteqaatit tamakkiisumik kommunip novembari 2017 pingunikuugamikkit. Suleriutsit tassunga tunngasut allattoqarfiup inerisarlugit ingerlappai.

INATSIT TUNNGAVIUSOQ:

- Pilersaaruserneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Piginneqatigiilluni inissiat pillugit Inatsisartut inatsisissaat nr. 33, 23. november 2017-imeersoq

KINGUNISSAI:

Soqanngilaq.

ANINGAASATIGUT KINGUNISSAI:

Soqanngilaq.

SULIAMIK SULIARINNINNEQ:

Kommunalbestyrelse

INASSUTEQAAT:

Allattoqarfiup ataatsimiitsitaliaq Inoqarfik siunnersorpaa

Nunaminertamut atuisinnaanermut akuersissut tusaatissatut tigusagaa. Taamaalilluni allaffissornikkut inatsit tamakkiisumik eqquutsinneqarnera qulakkiissalluni. Taassumalu kingorna Ataatsimiititaliaq INUA aqputigalugu Kommunalbestyrelsimut ingerlateqqissallugu.

ILANNGUSSAT:

Ilanngussaq 3-01: Nunaminertamut atuisinnaanermut qinnuteqaat siulleq.

Ilanngussaq 3-02: Piginneqatigiilluni inissiat sisamat qinnutigineqarnikut.

Ilanngussaq 3-03: Nunaminertamik atuisinnaanermut qinnuteqaatip allanngortinnera.

Ilanngussaq 3-04: Kommunip pilersaarutaata tapiliussaa, AAS1000-A21

Ilanngussaq 3-05: Nunaminertamut akuersissut

AALAJANGERNEQ: Ataatsimiititaliaq INOQARFIK ulloq 06-02-2020 aalajangiussaq

Inassuteqaat akuerineqarpoq.

AALAJANGERNEQ: Ataatsimiititaliaq INUA ulloq 19-02-2020 aalajangiussaq

Borgmesteri suliamut qanigaluni (inhabil), oqaluserisassap suliarineqannginnerani anivoq.

Inassuteqaat akuerineqarpoq.

Illulioqatigiinnissamut periarfissap innuttaasunut qaammarsaassutigineqarnissaa

innersuutigineqarpoq.

AALAJANGERNEQ:

Nal. 10:10 borgmester suliap suliarinerani anivoq, suliamut qanigaluni misigami (inhabil).

Inassuteqaat akuerineqarpoq.

| | | | | | |
|----------------------|--|-------------------|----------|--------------------|--|
| Suliap nr.: | 20-004 | llanng. nr | 4 | Journal nr. | |
| Oqaluuserisaq | 20-004 Illuliortiternernut aammalu piginneqatigiilluni aningaasalersuineq | | | | |

EQIKKAANEQ:

Kommune Qeqertalimmi innuttaasunit periarfissaq eqqumaffigineqarnerujartornera malunnarpoq. Taassuma ilutigisaanik tapiiffigineqarniarlutik qinnuteqartartut amerliartorput. Naatsorsuutigineqarporlu ukioq 2020-ip ingerlanerani aamma qinnuteqartut amerlajumaarnissaat.

Taamaattumik inissialiortiternermut tapiissutitalimmik illulianik iluarsaassinermut, pitsanngorsaaneremut alliliinermullu taarsigassarsititsisarneq aammalu piginneqatigiilluni inissiat pillugit namminersorlutik oqartussat aningaasaliissutaasa assinganik 2020-imi Kommune Qeqertalimmi aningaasaleeqqittoqarnissaa innersuunneqarpoq.

Innuttaasunut tamanna periarfissaq iluaqutaalluartoq malunnarmat.

SULIAP SULIARINEQARNERA:

Kommunalbestyrelsiq ataatsimiinnerat nr. 02/18 -27/03/2018, suliaq nr. 18-015 Oqaluuserisaq Illuliortitsinermut aningaasalersuariaaseq nutaaq pillugu Inatsit; attartortitsinissamut tunngavissarititaasut. Namminersorlutik oqartussat aningaasaliissutigisaat illuliortitsinernut aammalu piginneqatigiilluni inissialiornernut aningaasaliissutaasartut katillutik 2018-imi aningaasaliissutigineqarput kr. 4.081.000. Taakku saniatigut aningaasat annertoqataanik kommunalbestyrelsi qaavatigut aningaasaliivoq. Tassa aningaasat namminersorlutik oqartussat tapiissutaat aammalu kommunalbestyrelsiq aningaasaliinerat katillugit kr. 8.162.000 naleqalerlutik.

2019-imi namminersorlutik oqartussanit aningaasaliissutit kr. 4.100.000 annertussuseqarput. Ukiut marluk ingerlaneranni 2018-2019 aningaasat katillutik ima amerlatigipput kr. 12.262.000.

2019-ip naalernerani aningaasat atorineqarnissaanik akuerineqartut tamakkerlugit qinnuteqartunut atukkiunneqarput.

2020-imut namminersorlutik oqartussat illuliortiternernut aammalu piginneqatigiilluni aningaasaliissutaat ima annertussuseqarput kr. 4.150.000.

INATSISIT TUNNGAVIUSOQ:

- Illuliortiternernut aningaasalersuineq pillugu Inatsisartut inatsisaat nr. 39, 23 november 2017-imeersoq
- Inissianik aningaasalersuisarneq pillugu inatsisartut inatsisaata allanngortinneqarnera pillugu inatsisartut inatsisaat nr. 36, 28. November 2019-imeersoq (Inissialiortiternermut tapiissutitalimmik illulianik iluarsaassinermut, pitsanngorsaaneremut alliliinermullu taarsigassarsititsisarneq tapiissuteqartarnerlu)
- Piginneqatigiilluni inissiat pillugit Inatsisartut inatsisaat nr. 3, 23. November 2017-imeersoq

KINGUNISSAI:

Qinnuteqartunit aningaasat taarsersugassatut akuerineqartut, siunissaq ungasinnerusoq eqqarsaatigalugu kommunip aningaasavianut uteqqittussatut inissitaapput.

ANINGAASATIGUT KINGUNISSAI:

2* kr.4.150.000 katillugit: **kr. 8.300.000**

Aningaasat taakku konto 93-02, Atukkiinerit Kommune-mut attuumasut, atorlugu aqunneqartarput.

SULIAP SULIARINEQARFIA:

Kommunalbestyrelse

INASSUTEQAAT:

Allattoqarfiup ataatsimiitsitaliaq Inoqarfimmut inassuteqaatigaa:

Namminersorlutik oqartussat 2020-imut illuliortiternermut aningaasat sinaakkusiussaasa

assinganik aningaasaliinissaq akuerissagaat. Sinaakkutit katillugit ima amerlatigilersillugit: 2*kr.

4.150.000 katillugit: kr. 8.300.000

Taassumalu kingorna

Ataatsimiititaliaq INUA aqutigalugu Kommunalbestyrelsimut ingerlateqqissallugu.

ILANNGUSSAT:

Ilanngussaq 4-01 : Kommunalbestyrelsip oqaluuserinikuusaa suliaq nr. 18-015

AALAJANGERNEQ: Ataatsimiititaliaq INOQARFIK ulloq 06-02-2020 aalajangiussaq

Inassuteqaat akuerineqarpoq.

AALAJANGERNEQ: Ataatsimiititaliaq INUA ulloq 19-02-2020 aalajangiussaq

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

| | | | | | |
|----------------------|---|-------------------|----------|--------------------|--|
| Suliap nr.: | 20-005 | Ilanng. nr | 5 | Journal nr. | |
| Oqaluuserisag | 20-005 2020-imut aaffattassat, taakkualu agguanneqarneri | | | | |

EQIKKAANEQ:

Aalisarnermut Piniarnermullu Naalakkersuisup 2020-imut aaffattassat amerlassusilerlugit akuerivai, taakkunanilu Kommune Qeqertaliup pisassai agguanneqartussaallutik.

SULIAP SULIARINEQARNERA:

Aalisarnermut Piniarnermullu Naalakkersuisoqarfik tusagassiorfinnut nalunaaruteqarput 2020-imut aqutsiveqarfinni aaffattassat. Aaffattassat aqutsiveqarfinni Qeqertarsuaq, Qasigiannugit, Aasiaat Kangaatsiamilu 19-iupput, taakkulu agguataarnissaannut aalajangerneqartussaallutik. Aaffattassat nalunaarut malillugu inuussutissarsiutigalugu piniartunut taamaallaat piniarneqarsinnaapput.

INATSISITIGUT TUNNGAVIUSOQ:

- Aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeersoq.

ANINGAASATIGUT KINGUNISSAI:

Soqanngilaq

SULIAP SULIARINEQARFIA:

Ataatsimiititaliaq INOQARFIK-mit suliarineqariarluni ingerlatsivimmut aalajangiineq naapertorlugu ingerlateqqissuaa.

INASSUTEQAAT:

Allattoqarfiup ataatsimoorussamik pisassiissutit aqutsiveqarfinni Qeqertarsuaq, Qasigiannugit, Aasiaat Kangaatsiamilu inuussutissarsiutigalugu piniartunut piniarneqassasut siunnersuutigaa.

ILANNGUSSAT:

Ilanngussaq 5-01 : Aalisarnermut Piniarnermullu Naalakkersuisoqarfiup 2020-imut aaffattassiissutitut nalunaarutaat.

AALAJANGERNEQ: Ataatsimiititaliaq INOQARFIK ulloq 06-02-2020 aalajangiussaq:

Inassuteqaat isumaqatigiiffiunngimmat, ataatsimiititaliaq INUA-nut aalajangiiffissanngorlugu ingerlatinneqarpoq.

AALAJANGERNEQ: Ataatsimiititaliaq INUA ulloq 19-02-2020 aalajangiussaq:

Inassuteqaat akuerineqarpoq.
INUA-ta innersuutigaa, inassuteqaat paggatassiissutissatut kommunalbestyrelsimi akuerineqarnissaa.

AALAJANGERNEQ:

Inassuteqaat akuerineqarpoq.

ILISIMATITSISSUTIT:

| Saliap nr. | 01 | Ilanng. nr. | 01 | Journal nr. |
|---------------|---|-------------|----|-------------|
| Oqaluuserisaq | 01 Niaqornaarsummi illumik pisiniarneq, B-718 Niaqornaarsuk – siulittaasup (borgmesterip) akuersineranit ilisimatitsissut | | | |

EQIKKAANEQ:

Niaqornaarsummi illumik pisiniarfeeraanikumik pisiniarneq, B-718 Niaqornaarsuk.

SULIAP SULIARINEQARNERA:

Niaqornaarsummi meeqqeriviliornissamat atatillugu illu B-718 pisiarineqarsinnaanersoq allattoqarfik illumik piginnittumut attaveqarnikuuvoq.

Illu B-718 nunaqarfiup qeqqani inissisimavoq. Inissisimavia meeqqeriviliorfigissallugu tulluartaulluni.

Niaqornaarsummi meeqqeriviliornissamat toqqavimmik sanaartorfigeriaannamik peqanngilaq.

Illumik piginnittoq oqarasuaatikkut isumaqatigalugu oqaloqatigereerneqarnikuuvoq. Akimik isumaqatigiiffigineqarluni. Oqaloqatigiinnermi toqqavik pisiniarfeeqqap toqqavia sumut innersuunneqassanersoq ilisimatitsissutigineqarluni.

INATSISIT TUNNGAVIUSOQ:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq

KINGUNISSAI:

Illumik pisinermi meeqqeriviliornissamat toqqavissamik periarfissaqalissaaq. Pisinerup kingorna Kommunip pilersaarutaata tapiliussassaanik suliaqartoqassaaq. B-718 isaternissaa aqutissiunneqarluni, meeqqeriviliorsinnaanerlu tassani tusarniaassutigineqassalluni.

ANINGAASATIGUT KINGUNISSAI:

Illumik, B-718 Niaqornaarsuk, pisiarinissaanut akimik isumaqatigiittoqarpoq. Annertussusaa: kr. 15.000. Taanna meeqqeriviliornissami aningaasaliissutiniit akilerneqassalluni.

SULIAP SULIARINEQARFIA:

Kommunalbestyrelse

INASSUTEQAAT:

Allattoqarfiup ataatsimiitsitaliaq Inoqarfik siunnersorpaa

Illumik, B-718 Niaqornaarsuk, pisiniarneq akuerissagaa. Taassumalu kingorna Ataatsimiititaliaq

INUA aqutigalugu Kommunalbestyrelsimut ingerlateqqissallugu.

ILANNGUSSAT:

Ilanngussaq 01-1: Notat – Illumik B-718 Niaqornaarsuk, pisiniarneq

Ilanngussaq 01-2: Illup B-718 Niaqornaarsuk inissisimaffia

AALAJANGERNEQ: Ataatsimiititaliaq INOQARFIK ulloq 16-01-2020 aalajangerneq:

Inassuteqaat akuerineqarpoq.

Allaffissornikkut Namminersorlutik Oqartussanut isorliunerusunut aningaasaliissutinik qinnuteqartoqassaaq isaterneqarnissaanut aningaasaliissutissatut.

AALAJANGERNEQ: Ataatsimiititaliaq INUA ulloq 30-01-2020 aalajangerneq:

Inassuteqaat akuerineqarpoq.

AALAJANGERNEQ: Ulloq 06-02-2020 siulittaasup (borgmesterip) akuersinera:

Inassuteqaat akuerineqarpoq.

ATAATSIMIINNEQ NAAVOQ: Nal. 10:50**ATSIORFISSAQ:**

Hansen, Ane _____

Olsen, Peter _____

Nathanielsen, Karl Thue _____

Samuelsen, Aqqa _____

Aronsen, Hans _____

Petersen, Thomas _____

Kristensen, Niels _____

Jeremiassen, Kristian _____

Zeeb, Hansiaraq _____

Sandgreen, Enok _____

Mølgaard, Timooq _____

Jeremiassen, Otto _____

Frederiksen, Ole I. _____

Broberg, Kristian _____

Kristensen, Naja _____